

定山堂詩集

定山堂詩集卷二

五言古詩二

六十八首

胡彥遠歸武林吳梅村紀伯紫各有詩贈別

步原韻二首

爲宮紫玄留行和鄧孝威韻

二首

爲紫玄送別和孝威韻

二首

友沂南還集吳雪舫齋同秋岳分賦長安一

片月五韻

富春渚

二首

七里瀨

和康樂韻

舟發建德作

用康樂韻

蘭溪舟中作

自龍游趨衢州作

十八灘雜咏

用少陵諸韻

六首

彈子磯

用少陵韻

過于皇饑鳳軒

四首

秋夜同王于一紀伯紫杜于皇余澹心陳伯

璣冒辟疆蔣子久姜綺季子翥陳其年椒

峰飲徐氏寓園分得沈字

重過茶村草堂

用少陵法鏡寺韻

韓侯釣臺

二首

嚴子方貽將隨其尊人給諫公歸武林留詩

見贈和答原韻

四首

和陶季深卽送其返大梁

四首

伯紫將南行過小齋示菊潭先生詩卷漫和

原韻

爲周茂三錄別和劉公猷比部松下飲酒四

詩韻

和季滄葦侍御兼弔天中給諫櫬歸自遼左
雪後聖秋園次同過春帆用明月照積雪五
字爲韻

訪山公後再同聖秋用春帆五韻

答夢航謝送盆梅

題孫止亭太宰山雨樓圖和陶公韻五首

有序

爲吳子無稱題遠風堂卽送南歸和陶謝韻

二首

有序

辛丑十二月十九日恭誦 詔諭盡蠲新加

練餉感恩紀事因賦蠲租行二首追同元

次山春陵行韻

因相鄉中丞之請也

和答澹心兼壽其五十初度

爲節母許孺人壽

姪嘉禧

淮南龔鼎莘孝升著

男士稹全較

弟鼎珩孝積訂

士稚

順治癸巳仲春迄
康熙壬寅以後稿

五言古詩二

胡彥遠歸武林吳梅村紀伯紫各有詩贈別

步原韻二首

一和梅村

定山堂詩集

五言古詩

卷二

素士若名山到門忘爾汝幽溪如美人含情澹容
與六年西子湖苔夢落中渚蒼然南屏月投老已
心許相思不相見明河耿芳杼豈意湖上客京華
等羈旅振衣嵩雒塵林澗不遑處斗酒話今夕是
間猶有侶韓紀尚雲卧吳曹竟霞舉予懷在冥鴻
誰甘嚇腐鼠寺門三月花歸棹一江雨悠悠行路
人安知此中語雙屐破苔蘚羣木交庭墅春水添
幾尺白鷗過前嶼爲歌招隱詩清歡共延佇

一和伯紫

時方有瀨水之獄

風雨起平津白日蛟螭走飛沙過庭樹春樽負初
初月朔坐松扉茶香浮晴牖惆悵采蘭約芳辰復
不偶世事付彈劍悲歌代擊缶千仞尚鸞翮一跌
竟虎口范蔡亦何常浮雲自翻手周顒草堂在惜
哉爲誰有高車帶傾覆靜者觀已久浩然賦歸休
夫子誠善誘過從歷冬春情親與我厚惜別重踟
躕合離俱不苟君薄纓組儔吾慙巾幘婦英游翮
京雒大雅疇能右譚深病間作木榻坐相守熒熒
燈火青牕花對藥白攬鬢各問年一歲增老醜太

息平生心艱難頓成負飄搖如落葉羣態更揮帚
空巖梧竹深斯志能酬否未抱漢陰甕虛耽子雲
甌冠蓋爛天衢何者不衰朽言尋霞外駕豁此區
中友鼎鼎天壤間娛親托升斗柴桑固真潔扣門
義熙後乾坤紛金鐵僕馬猶芻糗黃綺不可作沮
溺恒堪耦滄海急中流相期唯白首爲問五朱輪
何如宮一畝

爲宮紫玄留行和鄧孝威韻

皎皎長安月素琴奏清娛上客登空堂衿佩芳蘭

俱問客何方來遠道何區區四海征車多游子良
歎嘔嘉會不可常合并忘天隅傾我濁酒樽欲去
雙躊躕輦路盛華輶入宮墮濫竿智士一虎變將
爲時所須含情向晨風願言緩前驅

其二

玉階碧露滋流螢滿金殿奉帚立中庭涎涎過雙
燕明珠結芳襦攬裳中自美婉孌實未嫁含愁發
幽情牽衣一徘徊強理白團扇豈無寒修言懼因
合歡賤金石信長保筦簟羞急薦當風執素手飛

蓬有深春

爲紫玄送別和孝威韻

久客知歲寒日暮知他鄉
駕言返故廬悲風相慨慷
登高眺大陸我馬方玄黃
長跪告執綬斗酒當盈觴
壯夫志萬里奚爲急晨裝
鴻雁已南翔執轡愁雨霜
宮闕鬱嵒嵒百感迴孤腸
一奏伏櫪歌天地爲低昂
君子勗令名達人娛景光

其二

荊璞栖巖阿物以知希珍
時運有往復傑士寧長

貧入燕弔漸離遊趙哂劇辛深懷管樂志絲竹怡
芳晨高鳥得安巢潛龍無損鱗尺素墮雲中馳情
若比鄰上言樂未央下言思故人

友沂南還集吳雪舫齋同秋岳分賦長安一

片月五韻

今日樂相樂載登君子堂旨酒被中夕徒御戒未
央清商振庭樹鳴雁淒繁霜玄髮忽以素萬感不
可詳別離生倉卒歡讌何時長

其二

車馬紛赫奕京雒生羽翰策足登津塗得時反不
歡纖手何亭亭纖素忘其寒太息理明鏡欲令朱
顏完團扇當秋風曷若機杼安

其三

浮雲被荒裔萬里無容膝我友憔悴人臨觴坐恒
密豈無金石心憂天苦多術歷歷白榆間迢迢望
靈匹朱絃陳曲房君子憂百一

其四

芳蘭盈楚畹經時忽霜霰莞簞猶薌澤含悵謝婉

變明珠結中襦物微意不賤含辭向晨風憂來翻
歡宴不見咸陽宮古瓦墮殘片

其五

高城向遙夜戍柝紛以歇團圓桂魄光辛苦下瑤
闕願隨遠行役清輝照窮髮黃鵠羽翼垂哀鳴未
敢發皎皎沙塞長何用消歲月

富春渚

沙嶼揚烟舠晨霞媚修遠鳬輕逝枉渚雁悽警層
巘霜樹鬱若薺丹翠被長坂曠矚區中豁素賞雲

外縈谷紆援狄間練淨魚龍偃碧石漾寒藻孤峰
側蒼菌中林天籟鳴窈窕協笙阮吾衰接輿鳳志
飽飲河飈百憂改登臨一往懷屯蹇息駕忻耦耕
長歌延肥遯

其二 用康樂韻

檣鳥正輕颺漸指桐君郭夕暉澹杉崖歸烟散蘭
薄觸石鮮幽阻挂席快交錯豈期途百折坦然雲
一壑當時棲隱人采山諧雅託緬邈景喬柯中奮
薦蘿弱理釣懶遲暮脫屣踐夙諾風塵有磷緇寸

心詎搖波將偕海上鷗永固泥中蠓

七里瀨

和康樂韻

崇臺雖謝登紆嶺正延眺攬寰恣緣沿參複改岑
峭岸曲失前渚陰多翳晨曜巨石峙迴雪鏗轂互
吞嘯層房或山椒欹側吐清妙運開蟠樨先智寓
要領詣加腹酬英游炎鼎繫綸釣逝矣璜溪載詠
諧各星調

舟發建德作

用康樂韻

素瀨哀迴漪風急颿更緩節險岵嶸怒嶂阻淪漣

斷量壑淨可拭倒景翠交款恐泥兆夕佳歎逝滌
中懣濯纓旣懷新弛帶匪任誕詎信魚鳥心高沈
勝偏纂勢詭理亦齊目炫賞翻短言采曄曄芝式
叶筵筵竿寒巖秀層蘿圭步幻悽煖皓髮悔宛轡
丹竈企行散林澗紛娛悅忘憂豈絃管

蘭溪舟中作

叢峭翕烟艤榜語破樵響整檝訛曦昧絕流輕下
上力盡天一回雲馬騁飛漿皓魄眷芳洲征夫哂
遐往蘭臯始擊汰川陸頓平廣元化卑雷同百里

殊風壤襟目互脊惑陵谷證今曩醲陰冒故巒牽
衣何悒快林空出寒翠稀疎送餘賞篙師急鳴灘
還如爭漲潏

自龍游趨衢州作

吾家石芙蓉几案秀森觸其峰三十二洞壑肖頗
酷摩挲浴空翠烟霧時斷續辭汝遠行遊宵征指
炎毒陰雷中夜鬪凌曉見晴旭遙巒插青蒼到眼
一驚告聯娟媚羅幙對鏡看已足歸棹急踰嶺雪
水早消蜀綢繆復懷袖如理登臨楫篙子疲險陷

吾徒忍欣矚越人長水濱弄舟幸成俗灘聲激長
嘯羨彼雲中鵠

十八灘雜咏

用少陵諸韻

挂席踰迴瀨覲面勢斷絕積石鋪中渚高下出層
鐵蒼茫太古前坤軸何自裂巨斧斫崩雲飄動萬
川雪陰濤如怒駟歷險轉奔忙開闔細鍼髮掇縱
在一折回身濟濟間後徑歛已滅眴目謝伯昏對
此翻內熱

其二

萬境尙存曠探奇趣貴惡一往森幽昧群態赴盤
錯大塊厭渾淪元氣此剗削何來蛟鼉室倒向帆
影落急雷地中起石柱支已弱曲折鎖東注斯理
惑高漠不知天地曠大觀殫海嶽險澀到波瀾豈
虞舟航薄蕭蕭寒鐸響山鬼嘯虛廓川巖浩多端
我何悲荒寞

其三

危纜穿斜罅寒日濺江濕沿洞岳崿間叫呼亦已
急萬石銜孤舟森然齒牙集其狀各槎枒力短斧

柯澀所幸非重淵
篙師智能及淒淒
負舟子露脛波上泣

其四

布帆惜斜景
矢箠解沙岸
參差前渚石
咫尺隔晨漢
孤月湧中川
梅蘂落已半
當時種花人
魂魄復誰喚
村墟雞犬
夫析靜林烟
漫買舶猶札
鴉遠逐漁火散
因知瘠土
民心已寒離
亂江風吼
虛巖撫枕一長歎

其五

彌望堵塙列兵後羨懷土近前唯長蒿蒼蒼颺欽
古驛卒旣鳥散荒程梗如縷三五行戍人懸鶉苦
枝柱曲徑山樓斜叢箐綠寒雨戰艦方絡繹賦斂
紛徵取生理尙蕭瑟遑暇計廩庾烟烟閭闔高流
離仰天數

其六

心怵天柱險到目炫蒼赤高沙界中流萬象歸一
石遠若浮菱芡近或欹屋壁錯落臥羊馬拱揖昧
主客骨立艸樹青忽綴幽怪跡併力爭一縫淪漣

遽崩迫諸舟各覓徑宛轉滙中澤境過轉淒愴艱
難此何適

彈子磯

用少陵韻

蒲帆挂蒼雲一折出險壯遂劃白日開欹側炫背
向萬仞裂冰雪鬼斧愕難狀丹翠懸石根陡絕失
倚傍伏虎應辟易飛鳥亦慘愴陰洞豁層巔彈丸
誰所放猛氣壓孤舟奔馬銜欲喪飄飄御風人振
衣或神王巉巖激江花烟水互爭讓何年鑿混沌
殊詭產列嶂茫茫嶺海心快意洗愁悵

過于皇饑鳳軒

晨風感長征九載一鄉縣
岩堯鍾嶺色復此蓬門
見萬響急深秋况乃淒摛練
孤桐何陰森江雨暗
遙甸對酒理素琴斯會反荒宴
別多歡苦稀寒花
漸飛霰各保金石姿無爲雪霜變

其二

廣陌散蒼烟高齋下涼日
嘉辰惜晷短爛熳秋燈
出清歡無節緒盤餐雜紙筆
酌苦方及唇拊牀怜
平膝地偏耽卜夜明晦理仍一
棲棲眷林鳥安用

定山堂詩集

十

歸飛疾

其三

不登君子堂焉知庭幃樂

時蛻翁先生同蒼略在坐

餘事敦友

朋佳氣浮几閣茅宇一白雲浩歌動空漠楚魚遠
可致江帆春欲落雞黍此山中蕭疎忘城郭

其四

登高望歸人風塵一何急相攜中林幽萬里娛壁
立爲憐桐雨響翻恐秋星入蒼茫古時月尊酒竟
沾濕衰鳳誠苦饑鵲雛豈能及

秋夜同王于一紀伯紫杜于皇余澹心陳伯
璣冒辟疆蔣子久姜綺季子翥陳其年椒
峰飲徐氏寓園分得洗字

空天下秋陰白露何瀰瀰深巷雙梧桐過雨青若
洗到門江海客蕭疎略苛禮當風揚幽蘭襟帶交
沉澧對酒一歡讌談諧散訶詆當時長干曲簫鼓
紛角觥何意東園花時去萎霜薺荒臺中夜月曾
照金張第逝日已苦多流涕肉生髀努力學稼圃
衡宇同閉啓浩歌榻勿懸明星動芳醴

重過茶村艸堂

川少陵法鏡寺韻

但坐愛秋陰顏色一何苦俯視落葉深仰視茅屋
古由來曠士心天遣百憂聚歌哭不敢明慘澹如
欲雨牀頭甕雖竭斯意吾忍吐當時饑鳳軒杯行
尙堪數蒼蒼各攬鬢殘日漸踰午不知醉飽人端
居復奚取

韓侯釣臺二首

長淮捲陰風秋草何歷歷韓侯起布衣一餓奮天
策蒯生誠善謀胯下詎非德夫著在依人徘徊頊

劉奕

其二

井陘建旗鼓憑軾摧齊城諸侯盡惴恐寧羨真王
榮功成身殖醢禍福莫與京至今千金飯遺恨五
鼎烹

嚴子方貽將隨其尊人給諫公歸武林留詩
見贈和荅四首

天馬蹀躞來權奇恣龍性四蹄忽雷電萬里刷猶
勁譬彼金閨彥英風颯謠咏皚皚壁月吐粲粲朱

華映排蕩金石心曹劉遂季孟努力騁修塗六轡
軌已正

其二

黃河絡天地乃自崑崙源嚴助金馬才清流歸龍
門當庭羅謝樹從游翮魯璠雛鳳唱高雲燕雀不
敢喧嘩嘩陳名增藻飛清尊

謂亂情康
侯昆仲也

朱絲同

勸君莫惜金尊

其三

哲士薄時榮抗辭違補袞將子乘天風北山重續

捲湖雪化春潮中有魚龍卷鶯是柳散花虎井香
浮椀吳山萬甲屯鐵弩醉爭挽獻策首銷兵早剖
賈生悃

其四

索米隱憂倩病渴棲相如江干鯉尺半經歲積素
書上言當加餐下言當遂初四海正多故望子登
高車群賢賦柏梁野夫安種蔬萬事倚豪俊一飽
寧求餘

和陶季深卽送其返大梁

文禽尾離筵萬里方翱翔安能長卑栖刺促守一
鄉川原旣阻修參辰邈難望何用結同心飛沈愛
景光

其二

與沈繹堂太史同返

鬱鬱河上柳攬結春風遲驪駒偕宛雒玉珮軫我
思美人含芬芳燕婉固有時相期理團扇徘徊青
桂枝

其三

懷顧赤方也

宿昔美行游揚舲溯江表黃鵠比翼飛翩翩戀羈

鳥抗音激迴颺詎令恒耳曉至今楚官人結束自言好

其四

沈冥託避世薄祿乖幽棲豈不耽微尚勢迂轍益迷子依雲中柯我行濁水泥合并何當諧金石揚清暉

伯紫將南行過小齋示菊潭先生詩卷漫和原韻

地僻迴高車容膝偶安堵我友日夕來歌吟迭賓

主城下春水生岸柳鬱庭戶風花幾日開飄落已
如雨浮雲何莽蒼醒眼破群瞽白首歲寒心獨立
亦孔武安得偕南村企足傲千古寄謝草堂靈斯
言出肺腑

爲周茂三錄別和劉公猷北部松下飲酒四
詩韻

四序日遷移游子悲他鄉棲棲窮林鳥欲去仍迴
翔故人一溫顏北風不能涼疇昔青松陰月出皎
夜光持觴坐空階歡若登我堂良會不爲樂憂來

知何方地偏偶荒宴無用譏太康不見江海間旂
旄方央央

其二

幽人局林樾吾亦臥河濱相望不相見濶絕動經
旬車騎盛宛雒顧視多路人朱門深九重各愛干
金身白首疲津塗鞭策亦已勤安得萬里客託好
恒比鄰言歌紫芝曲載拂緇衣塵綢繆踰親串誓
願無離分鬱鬱池上柳攀條行復春古來寂寞士
名姓垂空文何如學飲酒浮世聊自珍

其三

劉生理朱絲當風再三歎

謂公賦也

長嘯懷蘇門遐征

縱雲翰丈夫欲行意仕宦終饑寒吾衰亦已甚刺
促長抱關執鞭苟可求爲謀寧不殫感君布衣士
介節良獨難耦耕以爲期且盡今日歡

其四

浮雲散長坂白日何皚皚聞當遠行游層城澹晴
暉別離豈不苦羨子先還歸駐馬立高原塞鴈參
差飛回首松間樽歌呼安可追

和季滄葦侍御兼弔天中給諫觀跡自遼左
江流何滔滔嶽峙何嶷嶷奔潮無砥柱百川徒汎
瀾古來忠孝節豈隨天壤圯南風方不競斷岸孤
舟艤伯仲挺英姿驊騮九霄駛賢兄早禁闥同朝
吾甚喜詩畫許矜賞烟霞生爪指獻替羞雷同高
曳東華履忽復排閭闔憂危心遽爾臯益戒無虞
其君寧有此我皇實優容小臣言過矣銜恩涉
關塞抱書牧羊豕當其廷諍時我忝交戟裒畏死
不敢收芒刺攢心髓頗聞秉鈞怒憂天奚藉杞去

年凶問至傷心違岵岵一歌折檻行老淚穿蒿里
令弟都亭驄上書屢稱旨矯矯當門蘭疾風勁
不倚或時召狂奴對酒荆高市薄俗善窺人將無
累吾子廟堂有鉅公時事難抵齒求言詔忽下義
憤填膺起對仗舌仍噤辱勝塗塵跪甫傳彈事入
雷霆森諫紙雜治煩王公抗論窮端委大體存堂
簾連逮及拂士木索上楓宸正以旌如矢何人是
魏其主聖吾所恃天顏果一回無罪此人理
感深猶頌繫溫言飛玉几開生汝忠愛招魂渡遼

水當年薄譴意徘徊輦原止蓋棺復彈冠道亨命
非否四海歡且泣寧獨同枌梓鞞鐸懸天衢封事
浩難紀逢千在一門後先耀國史君仁則臣直此
真臺諫耳丈夫有遭遇詎必屬阿唯三復紀夢吟
若兄今不死

雪後聖秋園次同過春帆用明月照積雪五

字爲韻

高城澹寒日檐隙山微明我友躡屐來蒼然非世
情開軒對枯樹清歡已復生

其二

銜杯逼短景林杪出孤月白榆何燦爛浮雲霽雙
闕萬里一寒輝蕭蕭鑒華髮

其三

霜菊媚澄潭當時影相照詎意京雒間饑鶴亦羣
嘯太息語朔風天涯此同調

其四

世態日以多繁憂日以積辛苦得閒身不飲更奚
益請看田竇門誰者舊賓客

其五

皎皎雲中月
皚皚庭際雪
淒淒沙柳斷
淄淄河水
結行行歲復道
但醉勿言別

訪山公後再同聖秋用春帆五韻

巾車歷廣陌
殘雪沙邊明
西山半烟霧
寒翠移我
情開徑得亂
松杪見如平生

其二

高閣延空霽
宜雪復宜月
河山故不殊
夕陽下城
闕一鳥去青冥
遠樹細如髮

其三

把詩向南榮

讀山老
嘯堂詩

青霞迴殘照
髣髴溪山深幽

香發長嘯終諧渚上耕
忍負郢中調

其四

去日已苦長轉盼歲年積多憂
不學道晚暮復何益
悔將管樂心錯料鹿門客

爲胡彥遠也

其五

春風共歲寒
年年飽霜雪
復此物外契縞帶
心初結
黃鵠欲奮飛
徘徊不能別

荅夢航謝送盆梅

鳥雀散門闌，熱客非吾友。
詎意虎坊橋，尙臥龍潭叟。
相期霜霰中，白頭心共守。
到眼一南枝，脫贈君須有。
大地又春風，艱難殘臘後。

題孫沚亭太宰山雨樓圖和陶公韻五首

有序

昔人比陶靖節，于諸葛忠武非獨觀。
其大節正以澹泊寧靜與畏榮好古髣髴襟情之同耳。
沚亭先生與余門巷相連，退食之暇，雙扉晝掩，萬籟寂然，乃不知此中有人。

卽無論樹籬插棘矣故人謂其門如水愚
謂先生之門如山也然則和陶公詠以况
先生之山雨樓庶不失臥龍開濟之梗概
乎

高雲無定棲乘風還故山去來雖有時樂哉望岫
年裝駕指遙林理檝汎素淵開我池上樓載耕隴
畔田海雨何蒼蒼飛鳴來山間石蘿翳白晝幽泉
吐檐前參差梧柳陰延緣葭葦烟遠虹明絕澗馴
禽響層巔餘事及丘壑抱甕子不閒空堂松風生

撫枕殊蕭然

其二

高人經世心脫略謝塵鞅方與家國事恒結川巖
想車門行跡絕琴樽諧獨往逢人問故園薜荔一
以長老屋亂山中丹腹不加廣銅池與金谷無乃
辱林莽

其三

急流退良難賜沐恩亦稀叢蘭榮中園欣此遠行
歸招邀海上山預整霞外衣功成耦松喬詎與前

定山堂詩集

期遼

其四

蘭陔春日長開筵聚鄰曲巾車一周覽強食萬事
足深竹延筇杖疎花散棋局令子美含豪清歡淹
秉燭山雨致自佳時復愛晴旭

其五

落葉東都門涼風生廣陌回堊塵中子磬折奚所
適歸鳥戀舊柯惜陰數晨夕垂綸狎鷗戲放歌駐
駒隙努力事丹嶂彈指復行役品藻託中林一課

烟霞續古之抱膝人出處皆有益

爲吳子無稱題遠風堂卽送南歸和陶謝韻

二首

有序

謝康樂激流植援詩云清曠招遠風陶彭澤懷古田舍詩曰平疇交遠風無稱若上之居有清池修竹禾畦麥隴與陶謝同其雅懷爲題此額并繫以詩石壁柴桑千古一致矣

風尚希管樂抱膝非長貧薄游踐京邑投策亦以

勤褰裳向晨風行行辭故人前林澹寒暉往路川
原新束帶詎不榮迴軫良可欣丘園介雙溪僕夫
早知津戢柁偃蘭薄雞黍歡親鄰逍遙衡荆下坦
步追先民

其二

幽人鮮滄磷頤志跡亦同巖阿鬱奇姿參差館宇
清池鏡文鱗修篁羅迴風凌霄吐松獻天目瀉
落江皎皎月上軒喈喈禽集墉秋水展南華素琴
理北窗結友霞外駕晞髮雲際峰言樂優哉歲載

熙處者功暇豫絃歌資脫略沮溺蹤營綜及
衿契將無同

辛丑十二月十九日恭誦 詔諭蠲蠲新

練餉感恩紀事因賦蠲租行二首追同凡

次山春陵行韻

因相鄉中丞之請也

皇帝將改元制書詔所司方春重民事王政務急施
水旱兼盜賊人氣誠傷悲萬方惟正供悉索亦以
疲勑餉五百萬剗肉療饑羸國計在本根毛附先
存皮民困必失所拯溺焉能遲丞相下郡國一切

蠲除之先是加賦意豈不哀窮追水衡算金錢橋
陵方告期滇閩各用兵軍行糧輒隨朝廷尙恭
儉大事須藉資痼瘵上帝心四海寧盡知况復
州邑吏鞭撻到予遺御史大夫言陛下真聖慈
元元樂寬大生息理可爲民貧不獨富斯義古所
持流離與死亡號呼欲向誰固知非得已久大難
權宜哉

皇本堯舜天聽頃刻移諫行膏澤下千載明良時煌
煌社稷寄輔導良不虧君仁則臣直拜手陳古辭

其二

世皇勤在宥化成十八年養民致賢人八荒禁闥前
遠嶠猶帶甲深宮恒警眠圖書雜封事日昃羅細
旃卽今鼎湖成玉几神巍然拂士貽子孫還爲蒼
生憐賈誼一痛哭薄斂恩能全兵銷復刑措庶幾
旦暮焉禮樂彌修明蝨蠹無驅煎風俗返淳古師
濟皆大賢吾衰見太平歸老江東船杖藜偕野叟
歌詠康衢邊

和荅澹心兼壽其五十初度

舊雨一以別開徑稀求羊塵海日刺促風雅如面
墻退食窮檐陰戴星昧晨光訊牒苦堆案拳拮憐
倉皇法與天下共用意忍低昂細或爭榜筆大乃
刊刑章文史束高閣蛛網羅球瑯是物敗人意束
帶恒發狂本自江海人對此愁茫茫回首長千里
醉吟道歸堂賓從跋履盛花竹迴風香開樽下圓
月彈絲出洞房秋燈爛銅盤倡和每一囊諸子競
才傑筆格珊瑚裝寸忝奏薄技漢大慚夜郎騏驎
爭絕足長離鳴高岡天風拊簫韶凡籟斂鵲鷄爲

樂會幾何別袂當風揚遊子去故國空谷遺幽芳
聞君草堂改遂理東吳航踪跡或參差上下中
江翻跼思不見睎髮何山陽剖鯉得素書此意終
迴翔夢中波浪濶欲濟川無梁吞聲更陳辭沉痛
摧肝腸我生困百罹憂來浩無方生徒廢蓼莪趨
走仍兩廂甫召老博士受印司南牀俄嬰騎省悼
分鵠鴛與鶩秋風吹老淚穿篴沾羅裳患難失同
心又聞荆布喪人理既道盡乞身勢未遑纏綿溺
二豎寂寞歸空王索居感流年京雒徒輝煌誓將

屏物緣敢侈清天綱脫粟謝朋好黽勉同冰霜一
身如落葉飄墜憑巖廊改官非左遷用其愚與剛
豈復競鷄鸞聊用戢虎狼鬻薪已疲勞鼓瑟難更
張飽歷仕宦趣涉險若探湯微尚寄丘壑夙昔君
所詳胥溪有茆宇鍾山鬱相望及今不歸休僕痛
馬且瘡平生金石交聚散不可常存者各晨漢契
濶如望洋逝者悲宿草日月頻銷亡麻姑視清淺
幾度翻滄桑君今亦五十龍臥猶南陽讀書破萬
卷文苑推助勳哀吟庾開府霸才陳孔璋上則婉

淵雲其下軼王楊登覽縱遊屐歌呼凌歡場逸妻
理鉛槧佳兒負巾箱隱居伯鸞亞任俠要離傍我
誠遜巨源君亦薄嵇康投書匪絕交抽毫賦淋浪
入林成二老來往恣徜徉約以合歡帶佩以明月
璫因風報君子久要安敢忘

爲節母許孺人壽

若翁卽吾翁自言得天厚生男爲名士生女爲節
婦砥柱屹龍門力持橫流後且問列女傳綦縞有
此否少小嫻內則貧家奉箕帚秋星未一周鸞鵲

遽辭耦室無呱呱兒結褵矧未久皎日當寸心誓
之以白首斷髮依父兄繁霜支戶牖遺腹得女雛
血乳相雜揉孤燈青熒熒刀尺伴瓦缶東向問高
堂甘旨不離手或時籲蒼天割肉復減壽笑笑未
亡人代子奉姑舅兄勤五夜讀兼爲萬里走一身
侍溫清勿以憂父母如此四十年艱難無不有十
指自經營兩家各無負兄今復高第雄文熟人口
世事異榮瘁厄數回陽九持此金石堅陵谷豈能
朽我欲拜巾幘勝於嬰杵曰烏頭表雙闕節孝

書某彤管與青編崑玉耀淵藪生女成大名詎獨
名吾友

定山堂詩集卷三

七言古詩

一十六首

送熊魚山給諫出獄詩

有序

催妝曲

花朝同敬哉韞退玉叔爾唯舒章芥菴社集

秋岳齋限韻十體

寒食行用唐玄宗韻

金陵篇用李空同漢京篇韻

至白下哭巖子以詩見貽展玩之餘輒爲遙

和此篇兼送其卜居湖上

金閨行爲辟疆賦

醉中歌贈黃甫及用于皇韻

柳絮歌和何大復原韻

送清瑟赴白門秋試卽席用秋岳見懷韻

題吳郎畫像歌

送蕭將軍赴鎮吳興歌

爛柯太守行爲冷心茶壽

與治伯紫于皇辟疆椒峯杓司諸子共集三

十二芙蓉齋分咏箇中書畫拈得李青蓮
柳花店詩墨蹟

留別伯紫卽和其送別韻

和張紫淀長歌留別與伯紫同賦